



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De parricidis & matricidis: & quæ mala eos sequantur, qui parentes
aspernantur, iisque minimè parent. cap. xxxix.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A patris firmat domos filiorum : maledictio autem matris eradicat fundamenta. Fili fuscipe senectam patris tui: & non contristes eum in vita illius: & si defecerit sensu, veniam da: & ne spernas eum in virtute tua. Eleemosyna enim patris non erit in obliuione. In toto corde tuo honora patrem tuum: & genitum matris tuæ ne obliuiscaris. 7.

Filij, obedite parentibus vestris in Domino. Hoc enim iustum est. Honora patrem tuum, & matrem tuam: (quod est mandatum primum in promissione:) vt bene sit tibi, & sis longæuus super terram. Ephes. 6.

Filij, obedite parentibus per omnia. Hoc enim placitum est Domino, & Deo nostro. Col. 3.

B Ciconiarum circa eas, quæ senectute affectæ sunt, cura, ad filios paterno amore inflammas, si animum attendere velint, satis momenti habet. Omnino enim nemo vsque adeo prudentia inops est, quin turpe atque ignominiosum censeat auius, à ratione auersissimis, virtute inferiorem esse. Ciconia porro patrem præ senectute iam pennis orbatum in orbem cingentes, alis suis fouent, atque vberem ei alimoniam suppeditantes, eam etiã, quam possunt, in volatu opem præbent, leuiter nimirum eum vtrinque pennis suis subleuant. Atque hoc ita apud omnes sermone celebratum est, vt iam etiam nonnulli beneficiorum remunerationem appellent.

Probi & candidi liberi magna à parentibus encomia exposcunt.

C Fac quod bonum est: quia bonum est patri obtemperare: etiamsi alioqui nihil inde lucri ad te rediturum sit. Nam hoc ipsum merces est, patri gratificari atque obsequi. Nat.

Filij parentibus cedant oportet. Ceterum vbi veritatis sermo ac doctrina vrger, præferatur Deus, ac, quæ sua sunt, obtineat. Incerti.

Parentibus equam gratiam referre impossibile est. Neque enim eos vicissim gignere quisquam potest.

Parentes honore affice. Hæc enim lex diuina & naturalis est. Beatus est, qui parentes oblectat, non secus ac terra eos, qui ad iacta semina amplificanda labores pertulerunt. Iosephi.

Parentibus obtemperare pium est, ac Deo gratum.

D De parricidis & matricidis: & quæ mala eos sequantur, qui parentes aspernantur, usque minimè parent. CAP. XXXIX.



VI percusserit patrem suum aut matrè, morte moriatur. Qui maledixerit patri suo vel matri, morte moriatur. Exod. 21.

Qui maledixerit patri vel matri, morte moriatur. Patri matrique qui maledixerit, sanguis eius sit super eum. Leuit. 20.

Si genuerit homo filium contumacem & proteruum, qui non audierit patris ac matris imperium, & coërcitus obedire contempserit: apprehendent eum, & ducent ad seniores ciuitatis illius, & ad portam iudicij, dicentque ad eos, Filius noster iste proteruus, & contumax est, monita nostra audire contemnit, comestationibus vacat, & luxuriæ atque conuiujs: lapidibus eum obruet populus ciuitatis, & morietur. Maledictus qui non honorat patrem suum, & matrem suam, & dicet omnis populus, Amen. Num. 21.

Filius inobediens in perditione erit. Qui inhonorat patrem, & reiiicit matrem suam, confundetur, & probro afficietur. Qui maledicit patri vel matri, extinguetur lucerna eius, & pupillæ oculorum ipsius videbunt tenebras. Oculum qui subsannat patrem, & qui despicit partum matris suæ, effodiant eum corui de torrentibus, & comedant eum filij aquilæ. 27.

Qui abiicit patrem & matrem, & putat se non peccare, hic socius est viri impij. Quàm impius est, qui derelinquit patrem: & maledictus à Deo, qui ex-

Prou. 29.

20.

30.

Ecli.

3.

asperat matrē! Ne glorieris in ignominia patris tui! Gloria enim hominis ex F
honore patris sui est.

Ioſephi.

Miserrimum est pro vberē atque copioſa ſegete ſpinas proferre, & pro lata ſpe mœſtitiā
procreare, hoc est pro gloria & honore contumeliā & infamiā parentibus rependere,
Eſa. 5. ac vocem hanc Prophetæ ſibi aſciſcere, Expectaui vt vinea mea faceret vinas: & fecit
labruſcas.

Quod parentes filios ſuos erudire atque caſtigare debeant. Niſi enim hoc
fecerint, in ſclerum eorum partem venturos eſſe.

C A P. X L.

1. Reg. 20.



ELI erat ſenex valde: & audiuit omnia quæ faciebant filij
ſui vniuerſo Iſraēli: & quomodo dormiebant cum mulieri-
bus, quæ obſeruabant ad oſtium tabernaculi: & non caſtiga-
bat eos. Et dixit Dominus: Loquens locutus ſum, vt domus
tua & domus patris tui miniſtraret in conſpectu meo vſque
in ſempiternum. Nunc autem abſit hoc. Neque enim egre-
diatur iniquitas domus Heli in ſuffitu & ſacrificiis æternis.

Pro. 13.

22.

Caſtiga filiū: & refoſcillabit te, & dabit ornamentū animæ tuæ. Qui parit
virgæ, odit filium ſuum: qui autem diligit illū, inſtanter erudit. Noli ſubtrahe- H
re à puero diſciplinam: ſi enim percufferis eum virga, non morietur. tu virga per-
cuties eum: & animam eius de inferno liberabis. Plagæ & reprehensio dant ſa-
pientiam. Rectè educat pater iuſtus caſtigans: & in ſapiente filio delectatur ani-
ma illius. Caſtiga filium tuum: ſic enim bonæ ſpei erit.

Eclē. 7.

30.

Filij tibi ſunt: erudi illos, & cura illos à pueritia eorum. Flagra & diſciplina,
in omni tempore ſapientia. Erudi filium tuū, & operare in eo: ne in ipſius tur-
pitudine offendas. Qui diligit filiū ſuum, aſſiduat illi flagella. Qui docet filium
ſuum, in zelum mittit inimicum, & in medio anticorum gloriabitur in illo. E-
quus indomitus euadit durus: & filius remiſſus euadit præceps. Lacta filium, &
pauentem te faciet: lude cum eo, & contriſtabit te. Non des illi poteſtatem in iu- I
uentute: tunde latera eius dum infans eſt.

Eph. 6.

Patres, nolite ad iracundiam prouocare filios veſtros: ſed educate illos in di-
ſciplina & correptione Domini.

Naſ.

Incerti.

Nili.

Cum filiis indulgenter agere, paterna lex eſt.
Ridiculorum hominum eſt, filios ſuos negligere, atque alienos caſtigare aggredi.
Ne filio permittas cum ſtultis & inſolentibus iuuenibus quotidianam conſuetudinem
habere, atque cum ijs coire & cibum ſumere: ne alioqui ad extremum ob ipſius exitium
& infamiā ingenti animi dolore afficiaris, atque inimicorum ſannis pateas. Si quidem ſi-
liorum labes & ſlagitia parentibus aſcribi conſueuerunt.

De Dei tentatione: & quod Deum tentare non oporteat.

C A P. X L I.

Deut. 6.

Eſa. 7.

1. Cor. 10.



NON tentabis Dominum Deum tuum.

Et adiecit Dominus loqui ad Achaz, dicens, Pete tibi ſignum à
Domino Deo tuo, in profundum inferni, ſiue in excelsum ſupra.
Et dixit Achaz, Non petam, & non tentabo Dominum.

Ne tentemus Dominum, ſicut quidam ipſorum tentauerunt, &
à ſerpentibus perierunt.

De